



Inatsisartunut ilaasortaq Jens-Frederik Nielsen, Demokraatit
Inatsisartut Allattoqarfiat
inatsisartut@ina.alla.gl

Royal Arctic Line aamma ETS pillugit § 37 naapertorlugu apeqquteqaammut 2024-005-imut akissut

13-02-2024
Sags nr.: 2024-1654
ID. nr. 90933384

Asasara Jens-Frederik Nielsen

Inatsisartut suleriaasianni § 37 naapertorlugu Royal Arctic Line aamma Emission Trading System (ETS) pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Royal Arctic Line A/S EU aamma EØS imaatigut angallavigissagaanni EU Emission Trading System (ETS) eqqussiniarluni aaliangersimanera aallaavigalugu, CO2-agguagartassanut atugassanik ukiumut aningaasat qassit missingersuutinut ilannguttarpaat?

Akissut: Ineqarnermut Attaveqaasersuutinullu Naalakkersuisoqarfiup Royal Arctic Line oqaloqatigaa, imalu paasissutissiivoq:

"EUA-t (akuersissutit) børsimi niuerutigineqartarmata, nalinga annertuumik nikerartarpoq. CO2-p tonsimut nalinga € 78 aallaavigigaanni 2024-mi aningaasartuutissat 8 mio. DK koruunit missaannut naatsorsomeqarput, aaqqiinerlu tamakkiisumik atuutsilersinneqarpat 20 mio. DK koruunit missaannut qaffassallutik. Imaappoq, massakkut nassiussatigut kaaviiaartinneqartartut aallaavigalugit 2024-mi 1 %-it missarluinnaani tapiissutigineqartut, 2026-milu 2-3 %-inut qaffakkiartussasoq."

Apeqqut 1a: Akitsuut taanna atuisunut akigititanut qaffassaataanissaa naatsorsuutigineqarsinnaanerani Naalakkersuisut Demokraatinut isumaqataanerlutik?

Akissut: Naalakkersuisut atuisunut akigititanik aalajangersaasinnaanatiluu aalajangersaassanngillat. EU-mut akitsuusiussaq, nassiussinermi akigititamut tapiliutitut ilaavoq. Tamanna aningaasat nalinginut, uuliamullu tapiliuttakkamut ataavartumik naleqqussarneqartartumut, www.ral.gl-imilu atuarneqarsinnaasutut atuuppoq. Kingullermik 2024-mi februaarip aallaqqaataani naleqqussaannermi taanna 3 %-pointinik apparneqarpoq. EU-mut qaavatigut akitsuusiussaq nassiussinermi akigititamut tapiliussatigut atuisunut akilersinneqartoq, nassiussinermi atuisumut akigitassamut tamarmiusumut sunniuteqarmat iluoorpoq. Akitsuutilli atuisunut akigititanut kisimi sunniuteqarneq ajorpoq, tassani nassiussinermi akigititiamut tamarmiusumut pissutsit assigiinngitsut aamma sunniuteqartarmata.

Assersuutigalugu Naalakkersuisut naatsorsuutigaat, Nuuk sisamanngornikkut tikittalerlugu Royal Arctic linep angalanermut pingaarnertut nutaamik pilersaarutaatigut, kinguaattoorneq patsisaalluni nerisassat igiinnareqartartut ikilissasut. Assersuutigalugu Brugsenip 2023-mi septembarimi nalunaarutigaa, pisiarinerini akit aallaavigalugit 1,3 mio. koruunit missaasa nalinginut nerisassanik igitsisimallutik.

Tassunga tunngatillugu niuertarfinni akilersuisarneq pissutsinik assigiinngitsunik, matumani assersuutigalugu unammilleqatigiinnermik sunnerneqartarpoq.

**Apequt 2: Royal Arctic Line A/S aamma Naalakkersuisut CO2-
agguagartassiisutitut pisisarneq annikinnerpaaffissaminiinnissaa anguniarlugu
CO2-mik aniatitsineritut millisaanissamut (kigaannerusumik angalalernissap
avataasigut) suliniutit suut tigussaasut aallarnisarniarpaat?**

Akissut: Ineqarnermut Attaveqaasersuutinullu Naalakkersuisoqarfiup Royal Arctic Line attaveqarfigaa:

"Ilaatigut Bremerhaven tikittartussanngorlugu, angalanermut pingaarnertut pilersaarut nutaaq allannguuteqarpoq. Tikittalemeratigut siviuserusumik angalasoqartalertussaavoq, ilutigisaanilli Aarhusimi umiarsualivik aamma Thorshavn tikinneqassaartussaammata umiarsuit arrinnerusumik angalasinnaalissallutik, taamaalillunilu orsussamik atuineq annertunerulissanani. Allannguinnikkut Royal Arctic Linep sømilimut ataatsimut nassiussat amerlanerusut assartorsinnaalissavai, taamaalillunilu umiarsuit CII-at (Carbon Intensity Indicator) pitsaanerulissalluni.

CII tassaavoq, assersuutigalugu igaffimmi imaluunniit errorsisarfimmi atortorissaarutitut meqqilersuisarnermut assingulluni umiarsuarut "nukissiuutitut meqqiliunneqartartoq". CII tallimanik qaffasissuseqarpoq ukunannga A-E, naatsorsueriaaserlu una malillugu naatsorsorneqartarluni:

*$CII = (orsussamik atuineq * CO2-mik aniatsitsineq) / (angallaviup takissusaa * piginnaasaq)$*

Angalanermut pilersaarummi allannguneq umiarsuit CII-at kategori C-mut pinissaat naatsorsuutigineqarluni, CII-annut pitsanngorsaataaassaaq.

Qaffasissutsinut taakkununnga tallimaasunut A-E-mut piumasaqaatit piffissap ingerlanerani annertusineqassapput, taamaattumillu suli annerusumik pitsanngorsaataasinnaasunik ingerlatseqatigiiffik ataavartumik misissuilluni.

Pajuttaatit marluk (Irena Arctica aamma Mary/Silver Arctica) 2028-29-mi ima pisoqalisimatigissapput, taarsemeqartariaqalerlutik. Umiarsuassat nutaat pisiarinerini akigititassaq eqqarsaatigalugu, umiarsuassanit nutaanit aniatitsinissaq sapinngisamik minnerpaaffimmiissasoq anguniagaavoq. Tamatumani teknologi sukkasuumik ineriartorpoq, soorluttaaq piumasaqaatit sukkasuumik allanngorartut.

Taamaattumik teknologip ineriartornera ingerlatseqatigiiffiup malinnaaffigilluarniarpa, ingerlatseqatigiiffiullu umiarsuaataannit ataatsimut aniatinneqartartup annikillisinneqarnissaanut teknologi atorneqarsinnaasoq atomiarniarlugu.”

Apeqqu 3: CO2-agguagartassissutinik pisinerup kingunerisaanik, atuisunut kalaalusunut akiligassaq tunnginnissaa anguniarlugu inuussutissarsiortunut ikiorsiisutaasinnaasunik Naalackersuisut tigussaasunik pilersaaruteqarnerlutik?

Akissut: Apeqqu 1a-mut akissut takuuk.

Tassunga tunngatillugu akitsuutitut EU-mut akilemeqartartunut inuussutissarsiutilinnut taarsiisuteqassallutik Naalackersuisut pilersaaruteqanngillat, tassunga aningaasassat akitsuutitigut imaluunniit akileraarutitigut aaneqassagaluarmata, taamaalillunilu kalaallit atuisut eqqorneqartussaallutik, tamannalu Naalackersuisut pinngitsoortikkusullugu.

Apeqqu 4: Naalackersuisut suliamut tunngasunik paasissutissanik allanik paasissutissiisinnaappat?

Akissut:

Suliffeqarfiit CO2-mik aniatitsinerminni annikillisisinissaminnut tunngavissaqarnissaat CO2-mik aniatitsisinnaanermut akuersissutinut akigitat katitigaanerini siunertaavoq, tassuunakkullu suliffeqarfiit, matumani RAL ilanngullugu CO2-mik aniatitsisinnaanermi akuersissutinik pisinerminni aningaasartuutigisartagaat neriuginartumik piffissap ingerlanerani apparsinnaassallutik. Taamaalilluni mingutsitsinnginnerulemmissamut kiisalu avatangiisinut, nukissiuutinillu pitsanngorsaansamut il.il. aningaasalersuinissamut tunngavissaqamerulemnikkut, akilersuineq mingutsitsinnginnerulemmissamut siuarsaaqataavoq. Taamaalilluni silap pissusiata allanngoriartomerata nunarsuatsinni akiorniarnerani, Kalaallit Nunaat akisussaaffimmik tiguseqataavoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen